

正陽縣志

袁乃寬署

重修正陽縣志目錄

卷首

序

凡例

修志姓名

目錄

圖

縣總圖
覺宮圖

五區分圖
黃公祠圖

城關圖

四大鎮圖

卷一

地理

星野
山脈

疆域沿革
河流

縣治形勢
水利

距離道里
古蹟

疆界道里
古蹟考
治區沿革

建置

城池
工廠

街巷
營防

官署
舊蹟

局所
壇廟附宗祠

學校
寨堡

倉廩

卷二

政治

縣政組織
自治機關

政治沿革
爵職紀

民政
職官表

軍政
政績傳

警政

司法

財務

田賦附附加捐

公款機關

稅項

捐項

雜項

交通

驛站郵政
電報

道路

橋梁

津渡

水運

實業

農業
牧業

林業
商業

動物鳥獸魚蟲
工業

漁業

蠶業

蜂業

卷三

教育

學宮
學校

學規
典禮

教官
鄉儀

書院
風俗附節序

義學
宗教

教育機關

選舉

徵辟

科貢

議員

學校畢業

大事記

附清鄉局
普濟堂

振務會
育嬰堂

慈善局
養濟院

政黨沿革

卷四

人物

附方技

游寓

卷五

人物

卷六

藝文

經傳

著作書目
集文

卷七

藝文

集文

集詩

卷八

藝文

集詩

金石

卷末

雜綴

軼事

異聞

舊志序

重修正陽縣志卷四

總纂 光山

堯初

陳全三

編纂 邑人

益三

潘守謙

校正 邑人

紹宣

趙憲章

人物志

敘曰。邑乘記載人物。固取其人格可傳。尤必以其人之生存歿葬。有實跡於境內者。爲標準。正陽在周爲沈國地。在商則爲摯國地。摯之祖己。祖伊。太任等。當然採錄。若慎到之受氏於慎。後又歸老而歿葬於慎。孟宗葬新陽。遂家焉。歷三世而生孟嘉。漢汝墳侯周仁。遷安城。後世名流輩出。達數十人之多。茲查慎及新陽安城。皆正陽版圖也。其人顧可或遺乎。至袁氏順。原居邑東境。後遷城內。其來裔彬。綱等。有功可紀。茲用一併搜羅。合舊志暨近代之懿行堪嘉者。依次錄之。志人物。

商

祖己。夏車正奚仲之後。殷高宗臣。高宗三十有二祀。彤祭禰廟。有飛雉。升鼎耳而雊。王懼。祖己曰。王勿憂。先修政事。乃作書以訓於王。王修政行德。天下感騷。

祖伊。祖己後。殷王辛臣。王辛以費仲爲政。費仲善諛好利。又用蜚廉惡來。二人善譏譏。諸侯益疏。黎侯近於王畿。不恭王命。王方日夜極意聲色。不知治也。三十有一祀。西伯發伐而勝之。祖伊知周德日盛。既已戡黎。勢必及殷。恐懼而奔告于王。王曰。我生不有命在天。祖伊反曰。王不可諫矣。

周

慎到。先世楚白公勝之子。封於慎。

正陽。卽今正陽。

後爲慎氏。列國時。慎清移居魯昌平鄉東。富

者。與聞國政。魯定公十三年。孔子攝相事。誅少正卯。慎清懼。遷居趙之邯鄲。清之子生到。博學彊記。曾受業於子夏之門。精於易。或謂又學於墨氏禽滑釐。有謂爲學黃老者。周赧王十七年仕楚。三十年仕魯。時秦、韓、燕、趙、魏伐齊。敗之。湣王奔魯。魯平公將以慎

到爲將軍。取齊岱以南地。適孟子自齊歸。過魯。與到言君子事君。引君當道。志於仁。到悟。退而修道於慎。遂終焉。墓在正陽南龍岡。史記云。慎子著有十二論。隋唐藝文志。均謂慎子四十二篇。

秦楚之際

呂臣新陽縣

今正陽地。

人。從陳勝起兵。勝爲楚王。

一稱陳王。

臣充勝涓人。秦二世二年。鄣邯等軍。

擊敗楚軍于陳。楚莊賈殺其君勝。以降。時呂臣爲蒼頭軍。起攻陳。殺賈。復以陳爲楚。葬

陳王於碭。諡曰隱。旋秦左右校攻陳。下之。呂臣走得英布軍。還復取陳。後秦擊楚軍于

定陶。項梁死。項羽沛公方攻陳。留聞之。與呂臣俱引兵而東。

呂臣軍彭城東。項羽軍彭城西。沛公軍碭。已而。

楚懷王自盱眙都彭城。并呂臣項羽軍。自將之。以呂臣爲司徒。其父青爲令尹。沛公爲

碭郡長。項羽爲魯公。

漢

黃憲字叔度。慎陽人。世貧賤。父爲牛醫。潁川荀淑至汝南慎陽。遇憲於逆旅。時年十

四。淑竦然異之。揖與語。移日不能去。謂憲曰。子。吾之師表也。既而前至袁閎所。未及勞問。曰。子國有顏子。寧識之乎。閎曰。見吾叔度耶。時同郡戴良。才高倨傲。而見憲。未嘗不改容。及歸。惘然如有失。其母問曰。汝復從牛醫兒來耶。對曰。良久不見叔度。不自以爲不及。既睹其人。則瞻之在前。忽焉在後。固難得而測也。同郡陳蕃。周舉。嘗相謂曰。時日之間。不見黃生。則鄙吝之萌。復存於心。及蕃爲三公。臨朝歎曰。叔度若在。吾不敢先佩印綬矣。太守王龔。禮進賢達。多所降致。獨不能屈憲。郭林宗少遊汝南。先過袁閎。不宿而退。進往從憲。累日方還。或以問林宗。林宗曰。奉高之器。譬諸汜濫。雖清而易挹。叔度汪汪。如千頃波。澄之不清。淆之不濁。不可量也。憲初舉孝廉。又辟公府。友人勸其仕。亦不拒。暫到京師。而還。年四十八終。天下號曰徵君。

漢魏叢書。有天祿閣外史。稱係徵君所著。

戴尊。字子高。慎陽人。家甚富於財。好施給。豪俠尙氣。食客常三四百人。時人爲之語曰。關東大俠戴子高。平帝時。爲侍御史。王莽篡位。稱病歸鄉里。戴伯鸞。慎陽人。性至孝。母卒。伯鸞居廬啜粥。非禮不行。與弟良。俱有毀容。時人稱之。

戴良字叔鸞。慎陽人。尊四世孫也。少誕。才節既高。議論尙奇。多駭俗。同郡謝季孝問曰。子自視天下。孰可爲比。良曰。仲尼長東魯。大禹出西羌。獨步天下。誰與爲偶。舉孝廉。不就。再辟司空府。彌年不到。州郡迫之。乃遜辭詣府。悉將妻子。逃入江夏山中。優游不仕。

周仁字季房。周平王少子汝墳侯烈十九世孫。豈嗣侯。秦滅周。豈失侯。生秀。秀生仁。漢興。續周嗣。復封仁爲汝墳侯。賜號正公。以汝墳下濕徙安城。十子。長曰球。執金吾。生平陵令應。應生郎中孝廉道。道生五官中郎約。

周燕字少卿。安城人。約子也。宣帝時爲郡決曹掾。太守欲枉殺囚。燕諫不從。遂殺囚。黜燕。囚家詣闕稱冤。詔遣復拷。燕見太守曰。願謹定文書。皆署燕名。府君但言時病而已。出謁掾吏曰。諸君被問。以罪推燕。如一言及府君。手劍相刃。使乃收燕繫獄。屢被掠楚。辭無屈撓。當下獄室。歎曰。我平王之後。正公玄孫。豈可以刀鋸之餘。下見先君。遂不食死。五子。重合令子輿。櫟陽令子羽。東海太守子仲。兗州刺史子明。潁陽令子良。號曰

五龍各居一里。並以儒素退讓爲業。天下著姓。必稱周氏。

周磐字堅伯。安城人。好禮有行。非典謨不言。少游京師。學尙書洪範。左氏傳。諸儒宗之。居貧養母。儉薄不充。嘗誦詩至汝墳卒章。慨然而歎。乃解韋帶。就孝廉之舉。和帝初。拜謁者。除任城長。遷陽夏重台令。皆有惠政。後思母。棄官還鄉里。奉母隱居信陽南山。遂名爲賢山。迨母歿。哀毀服終。遂廬塚側。立精舍。教授門徒。嘗千人。公府三辟。皆以有道特徵。磐語友人曰。昔方回支父。嗇神養和。不以榮利滑其生術。吾親既歿。從物何爲。遂不應。

周燮字彥祖。安城人。燕之後也。生而歛頤折額。醜狀駭人。母欲不舉。父不聽。曰。吾聞聖賢多有異貌。興我宗者。此兒也。於是養之。十歲就學。能通詩論。及長。專精禮易。不讀非聖賢之書。不修賀問之好。有先人草廬。結於岡畔。下有陂田。常肆力以自給。非身所耕漁。則不食也。舉孝廉。賢良方正。特徵。皆不應。延光二年。安帝以元纁羔幣聘。其宗族勸之曰。夫修德立行。所以爲國。君獨何爲守東岡之陂乎。燮曰。吾既不能隱處巢穴。追

綺季之迹。而猶顯然。不遠父母之邦。斯固以滑泥揚波。同其流矣。夫修道者。度其時而動。動而不時。焉得享乎。因自載。至近縣。稱疾而返。

周嘉。字惠文。安城人。燕四世孫。仕郡爲主簿。王莽末。羣賊入汝陽城。嘉從太守何敞討賊。敞爲流矢所中。郡兵敗北。賊圍繞數十重。白刃交集。嘉乃擁敞。以身扞蔽。因呵賊曰。卿曹皆人隸也。爲賊旣逆。豈有還害其君者耶。請以死贖君命。因仰天號泣。羣賊於是兩相視曰。義士也。給其車馬。遣送之。後太守寇恂。舉孝廉。拜尙書侍郎。光武引見。問之。嘉曰。太守被傷。命懸寇手。臣實怯不能死難。帝曰。此長者也。詔尙公主。嘉稱病篤。不肯當。遷零陵太守。卒。吏民祠祀焉。

周暢。字伯持。安城人。嘉之弟。性仁慈。爲河南尹。永初二年。夏旱久。禱無應。暢收葬洛城旁。客死骸骨。凡萬餘人。應時澍雨。歲乃豐稔。位至光祿勳。

周繼。字巨勝。安城光祿勳舉之子也。少尙玄虛。以父任爲郎。免歸家。父故吏河南召襲爲郡守。卑身降禮。致敬於繼。繼恥報之。因杜門自絕。後太守舉孝廉。復以疾去。時梁

冀貴盛。被其徵命者。莫敢不應。惟鏹前後三辟。竟不能屈。又舉賢良方正。亦不應。又公車立纁備禮。復固辭。嘗隱處。慕老聃清淨。杜絕人事。幾十年。及梁冀誅。方出。蔡邕稱其崇山千仞。重淵百尺。未足以喻其高深也。

周防。字偉公。安城人。揚子也。年十六。仕郡小吏。世祖巡汝南。召掾吏試經。防能誦讀。拜爲守丞。後師徐州刺史蓋豫。受古文尙書。舉孝廉。拜郎中。撰尙書雜記三十二篇。太

尉張禹。薦爲博士。遷陳留太守。

見汝寧府志。選舉目錄。

周舉。字宣光。安城人。陳留太守防之子。博學洽聞。爲儒者所宗。延熹四年。辟司徒李郃府。時宦者孫程等。旣立順帝。誅滅諸閹。議郎陳禪。以爲閹太后與弟。無子母恩。宜徙別館。絕朝見。羣臣咸以爲宜。舉謂郃曰。昔鄭武姜謀殺莊公。誓之黃泉。後感潁考叔之言。猶復盡子道。書傳美之。今諸閹新誅。太后幽在別館。若悲愁生疾。一旦不虞。主上將何以令於天下。如從禪議。後歸咎明公。宣表朝廷。令奉后。率勵羣臣。朝覲如舊。以厭天心。以答人望。郃即上疏陳之。明年正月。帝乃朝於東宮。太后由此以安。舉以茂才爲平

邱令。上書言當世得失。辭甚切直。尙書郭虔應賀等見之。歎息。共上疏稱舉忠直。欲帝置章御坐。以爲規誡。稍遷并州刺史。太原舊俗。以介子推焚骸。有龍忌之禁。仲冬月一家寒食。老少不堪。民多死者。舉乃移書於子推廟。云盛寒去火。殘殞民命。非賢者意。今則三日而已。宣示愚民。使還溫食。於是衆惑稍解。風俗頓革。陽嘉三年。司隸校尉左雄薦舉徵拜尙書。是歲河南三輔大旱。五穀災傷。天子露坐德陽殿。東廂請雨。以舉才學優深。特下策問。舉對宜出後宮不御之女。理天下冤枉之獄。除大官重膳之費。尋出爲蜀郡大守。坐事免。大將軍梁商表爲從事中郎。甚敬重焉。商疾篤。帝親幸。問以遺言。商對曰。臣從事中郎周舉。清高公正。可重任也。由是拜舉諫議大夫。其後江淮猾賊處處並起。乃拜舉爲侍中。與杜喬等分行天下。號曰八俊。舉劾奏貪猾。表薦公清。朝廷稱之。遷河內大守。徵爲大鴻臚。遷光祿勳。會遘母憂。去職。後拜光祿大夫。建和三年卒。朝廷以舉清公亮直。方欲以爲宰相。深痛惜之。詔曰。性牟夷惠。忠踰隨管。賜錢十萬。以旌委蛇素絲之節。

周乘字子車安城人天資聰明高峙岳立非陳仲舉黃叔度之儔不交也仲舉嘗歎曰周子車真治國之器譬諸寶劍則世之干將舉孝廉爲泰山太守甚有惠政

魏桓安陽人以清節數被徵辟不應鄉人勸之桓曰夫干祿求進所以行志也今後宮數千其可損乎廐馬千匹其可減乎左右權倖其可除乎皆曰不可桓乃嘆曰使桓生行死歸於諸君何有哉遂隱身不屈

孟宗字恭武一字子恭東吳時江夏鄱縣人歿葬新陽正陽區嘉曾祖父也性至孝

母病冬節思食筍時地凍無筍宗入竹林哀泣有頃出筍數莖作羹供食母病尋愈人

以爲至孝所感嘗爲雷池監以饒餉母母不受官至吳司空按晉史孟嘉傳曾祖父宗

武昌新陽遂家焉今孟家坡在正陽羅營南距新陽二十里新陽城在縣西南三十六里增益店西三里許土人呼爲將軍城即新陽故址地在新水右側時新陽亦屬武昌

宗嘉本傳皆書江夏人蓋武昌江夏本一地隨時易名其不書新陽略詞也

晉

周浚字開林安城人父斐少府卿浚初不應州郡之辟後仕魏爲尙書郎累遷御史

中丞。揚州刺史。封射陽侯。隨王渾伐吳。攻破江西屯戍。與孫皓中軍大戰。斬吳丞相張
悌等。首級數千。俘馘萬計。以功進封武城侯。食邑六千戶。賜絹六千疋。明年移鎮秣陵。
遷侍中。卒於位。三子。顗。嵩。謨。

周 馥。字祖宣。浚從父弟也。司徒王渾表馥見理清正。兼有才幹。補尚書郎。累遷徐州
刺史。加 軍將軍。惠帝幸鄴。成都王穎以馥守河南。尹李貞上官已等奉清河王覃爲
太子。加馥 衛將軍。錄尚書。辭不受。馥以己小人。縱暴。終爲國患。謀除之。事泄。爲己所
襲。馥走得免。帝還宮。爲平東將軍。都督揚州諸軍事。討陳敏。滅之。封永寧伯。馥覩羣賊
孔熾。洛陽孤危。乃建策迎天子遷都壽春。東海王越以馥不先白於己。而直上書。大怒。
召馥及淮南太守裴頌。馥不肯行。頌已奉越密旨圖馥。遂襲之。爲馥所敗。頌求救於玄。
帝遣甘卓等攻馥於壽春。旬日而馥衆潰。初華譚往壽春依馥。敗歸於玄。帝問曰。
周祖宣何至於反。譚曰。馥見寇盜滋蔓。王威不振。故欲移都以紓國難。方伯不同。遂致
其伐。曾不踰時。京都淪沒。若使從馥之言。或可後亡也。原情求實。何得謂反。帝意始解。

子密字泰元性簡虛時稱清士任尚書郎弟橋字正元亦有才幹

周恢浚從弟武帝問卿宗誰可浚曰恢稱重臣宗馥稱清臣宗帝並召用恢與同郡和郁號三十四友

周顓字伯仁浚長子也神彩秀徹親狎莫能牒廣陵戴若思素聞顓名往候之終坐而出不敢顯其才辯弱冠襲爵歷吏部尚書左僕射帝譙西堂曰今日名臣共集何如堯舜顓厲聲曰雖同人主何得復比聖世帝怒手詔付廷尉尋赦之王敦構逆折以忠義遂被害籍得素簏數枚盛故絮酒五甕米數石在位者服其清約追贈光祿大夫儀同三司諡曰康子閔字子騫方正有父風官至秘書監諡曰烈

周嵩字仲智浚之中子也狷直果俠每以才氣陵物立帝爲晉王群臣勸進嵩時奉朝請上疏忤旨帝出爲新安太守褒貶朝士詆毀侍中戴邈帝曰卿矜豪傲慢輕忽朝廷由吾不德耳嵩曰唐虞至聖四凶在朝陛下聖明御世能無碌碌之臣帝怒收付廷尉尋除名久之補廬陵太守拜御史中丞疏救王導帝納其言